

Canche la tera scassa

Passa 260 porsones à pordü la vita a L'Aquila y incèria ti tremoroc danter la nôt söl lönesc ai 6 d'auri y chisc dis da Pasca. Aiüt y solidaritè da döt le monn

va inant da la pruma
plata

Inier, en Vëndres Sanç, el stè söl program pro la Scora Ispeturs dla Verda de Finanza la sopoltöra solèna di defunc. Mo incè ciamò chisc dis, cina Pasca, dess jì inant l'aziun de archirida de porsones vies - à dit le Minister al Intern Roberto Maroni. Spo metaran man cun i intervenc de spraiza y renforz por i frabricac y incè i pröms laurs por la recostruziun dles ciases. Söl post dl desaster a L'Aquila el rovè incè le President dla Republica Giorgio Napolitano y le Premier Silvio Berlusconi, che à ciarè jò la situaziun, à portè solidaritè y à valutè tres n grup de tecnics en grou i danns al patrimonie storich y architetonich dla citè. Incè le Papa Benedèt XVI à protlamè le condolur y la solidaritè cun la jënt di raiuns tocà dai tremoroc, impormeton da jì a ciarfè la jënt tl tēp do Pasca.

L'Aquila pè na citè bombardada - à scrit agenzies stampa, "ara ciara fora sciöchè tla vera de Srajevo" - à dit n soldà impegnè tl chiri suravis, la capitala tla Regiun dl Abruzzo è öta y assignada ite, ma les scuadres de aiüt y socurs à azes.

I avertimènc nia respetà

Cina che al ne suzed nia la gran catastrofa, ne creïon nia che ara pois suzede. Tl Abruzzo scassà bele la tera a na moda prigorosa da forà incà, mo al é n teritore a risch y porchèl ne fejön nia tröp dinfora. Otedè dan le pröm gran tremoroc,



Les scuadres d'aiüt à chiri do vita ti cogoi dla destruziun y dl dolur: cun mans, massaries de laur, pacheres, cians y sondes.

chël dl lönesc da doman ai 6 d'auri, el stè n scienziè dl INFI di laboratori nazionai dl Gran Sasso, Giampaolo Giuliani, che à dit danfora por i dis do n gran tremoroc tl raiun de Sulmona, mo an l'à fat scutè por che al ne somenass nia panich danter la jënt de chël raiun de Sulmona y L'Aquila. El instès à cuntè do le gran tremoroc che la domènia sèra, püces ores dan le gran scassarot dla grandèza ora Richter 5.8, àl avertì sù conoscènc dal prigo y tut sùia familia por se mète al sigù. El à ti ultimi diejèns svilupè na mascinn da sensors che prevèiga i tremoroc tres i rais gama dl radon emetù dala scorza dla tera. Sambègn el ri por les autoritès politiches da tò provedimènc canche n scienzé vègn cun sües profezie: comanè da lascè les ciases, la citè y i paisc da n momènt al ater zèna rajun sigüda, à pücia fondamènta - à dit i politics responsabli, y: "do pomez è vignun

plü sciché!" L'umanitè é dötarela tl laur da studiè y chiri ciorvi eletronic che sides bugn da di danfora i gagn tremoroc.

Le numer di defunc jogn é alt

Les scuadres de socurs baia de n gran numer de morè d'etè jonila. Te n internat di studènc tomè adöm el gnü trat fora sis corps zèna vita, "L'Aquila é na citè universitara, tröc studènc abità te cuatiers tla citè vedla, chi che à albü le plü da patì pro les scassades", à dit l'Ombolt dla citè Massimo Cialente. Cina en jöbia el intres indò gnü registrè tremoroc danter le 2 y le 4 dla ora Richter. La sopoltöra de grup le Vëndres Sanç el stè l'Arzivesco dla citè Giuseppe Molinari che à orü, so comènt: "por nos el n dèr Vëndres Sanç". (test: iaco rigo / fotos: AP/La Presse)



An chir do vita tles majires. Deplü frabricac é tomà adöm desco cartun. I dis do la pröma gran scassada dl lönesc da doman el stè jënt che à salpiü da di: "Sce chèsc tremoroc foss stè tl lapann o tla California, spo ne fòssel stè gnanca un n mort!"